



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

- 0 NOV 2011

ՀՐԱՑԱՐԱՆՈՒԹՅՈՒՆ Ս. ՄՆՋՈՅԵԱՆԻ

391.99
5-91

Ե Ա Շ Ի Ֆ Ի Դ Ա Ն

— 0:0:0 —

(Շիրակի հեքիաթներից մեկը)



Գրի տառ.

Ե. ՄՈՎՍԻՍԵԱՆ

35651

ԱՂԵՔԱՆԴՐՈՊՈԼ

Տպարան Գ. Ս. Սանոյանցի

Типография К. Саноянца, въ Александрополь.

1901

Handwritten notes in Armenian script:
արևմտյան
այս
չեզոք
ժողով



Ե Ը Թ Ի Փ Ի Գ Ը Ն

Ս.

Дозволено Цензурою. Тифлисъ, 1 Мая 1900 г.



ին ժամանակներում ապրում էր մի թագաւոր: Երկնքի աստղերին թիւ ու համար կար, այս թագաւորի հարստութեան, քաղաքներին ու գանձերին հաշիւ չկար: Նա սիրում էր ժողովրդին և սիրած էր նրանից: Ամեն մի հրաման, ամեն մի թագաւորի պատէրը կատարում էր ժողովուրդը առանց դժարանալու, առանց դժգոհութիւն յայտնելու: Չընայելով սրան՝ թագաւորը կանչում է մի օր իր վեզիրին և ասում. «Քանի որ ջահիլ էի, ժողովուրդս ամենայն սրբութեամբ կատարում էր բոլոր պատէրներս և սիրով վերաբերում դէպի ինձ, այժմ ծերացել եմ և կարծում եմ, որ բախտս էլ ծերացել է ինձ հետ, ուստի ուզում եմ փորձել, թէ

արդեօր իմ ժողովուրդը սիրում է ինձ այնպէս, ինչպէս Չահիլ ժամանակս: Այսօր մոռնեալիկ գցել տուր մայրաքաղաքիս փողոցները և նրա բերանով յայտարարիր համայն ժողովրդին հետեալը. «Թագաւորին սիրողը այս երեկոյ իր տանը կրակ չը վառէ. արեւ մայր մտնելուն պէս՝ իր գիշերային պատրաստութիւնը տեսնի, ընթրիքն ա՛յ է և առանց ճրագլուսի՝ պատրաստուի քնելու»:

Պատէքը կատարւած էր: Երբ գիշերային խաւարը տիրեց երկրին, թագաւորը նորից կանչեց վէզիրին և նրա հետ գէրվիչի շորեր հագած՝ դուրս եկաւ փողոց անձամբ ստուգելու փորձը: Խաւարը և խորին լուսթիւնք տիրում էր շորս կողմը: Կարծես քաղաքը սուղ էր մտել և զգեստաւորուել ոտից մինչև գլուխ բնութեան սև քօրով: Ծպտեալ թագաւորը և վէզիրը շատ ման եկան, շատ աչք ման ածեցին այս կողմ, այն կողմ, բայց ոչ մի տեղ կրակի հետք չընշմարեցին: Պատէքը ճշտութեամբ կատարւած տեսնելով, նրանք կամենում էին վերադառնալ արքունիք, բայց անձ ինչ-որ մի ոտորեկերեայ, գետնափոր խրճիթի ցածրիկ լուսամուտներից նշմարեցաւ մի աղօտ լոյս:

— Ես չէի՛ ասում, որ իմ բախտը ծերացած կըլինի ինձ հետ և ժողովուրդը իմ պատէքն այնպէս չի կատարել, ինչպէս Չահիլ ժամանակս էր կատարում, շքնջաց թագաւորը վէզիրի ականջին և քայտերը ուղղեց դէպի գետնափոր խրճիթը:

Կահ-կարասիքից դուրկ, աղքատ խրճիթի ներսը փայլիլիլով վառւում էր ճրագը՝ աղօտ լոյս սփռելով իր շուրջը: Խրճիթի մի կողմը հինւած էր արևելեան ճաշակով մի փառաւոր խալիչայ, որի առաջ նստած էին երեք մատաղահաս օրիորդներ և իրանց ճարպիկ

մատներովն գործում էին ամենայն արագութեամբ: Հմուտ մատների շարքումը և անդադար մկուքի թրվութիւնը չէր խանգարում նրանց քաղցր զրոյցներ անելու: Թագաւորը այս տեսարանով հետաքրքրւած, ականջը դէմ արեց գետնահաւասար լուսամուտի փեղկին և սկսեց ամենայն ուշադրութեամբ լսել նրանց խօսակցութիւնը:

Օրիորդներից անգրանիկն ասաց. «Աղջիկներ, թագաւորն որ ինձ առնի, այնպիսի մի խալիչայ կը գործեմ, որ բոլոր իր արքունականներով նստի վրան, դեռ խալիչայի մի կողմը ծալած մնայ»:

Միջակին ասաց. «Թագաւորն որ ինձ առնի, այնպիսի մի վրան կը գործեմ, որ իր գօրքով ամբողջովին մտնի վրանը, բայց էլ ի կողմը դատարկ մնայ»:

Փոքրն ասաց. «Էէ, ես ինչ պարծենամ. ոչ այն կարող եմ անել և ոչ այն. թագաւորն որ ինձ առնի, Աստուծոյ ամենակարող զօրութիւնով այնպիսի մի ոսկէ մաղաւոր տղայ և ոսկէ մաղաւոր աղջիկ կը բերեմ, որ արեգակին կ'առնեն. — Արև, դու մի՛ դուրս գայ, որ մենք ենք դուրս գալու»:

Թագաւորն այս խօսքերը լսելուն պէս՝ հրամայեց վէզիրին նշնել խրճիթի դուռը և շտապով հեռանալ:

Հետեալ առաւօտը կանչեցաւ օրիորդների հայրը և ներկայացաւ թագաւորին: Գլուխը կոր, աչքերը դէպ գետին խոնարհած՝ կանգնել էր նա թագաւորի առաջին և սրտատրոփ սպասում իր դատավճռին:

— Ա՛յ մարդ, դու քանի գլխու տէր ես, որ իմ պատէքիս հակառակ, քո տանը այս երեկոյ կրակ էիր վառել, խօսեց թագաւորը:

— Տէր իմ, թոյլ տուր երկու խօսք ասելու, հազիւ

լսելի ճայնով արտասանեց պարտազանցը:

— Խօսիր:

— Ես մի քիւրդ բէկի պարտապան եմ: Այս գիշեր նրա աղջկան հարս էին տանում: Նա եկաւ իմ մօտ և պատւիրեց որ իր աղջկայ օժիտի համար հարկաւոր է մի խալիչայ. եթէ մինչև առաւօտ կարողացան իմ աղջիկները այդ խալիչան պատրաստել՝ լաւ, իսկ եթէ ոչ՝ նա պարտքի տեղ կըտանի իմ աղջիկներին նրան, որին որ հաւանի: Այդ պատճառով ես էլ լաւ համարեցի, որ իմ գլուխը թագաւորի գահճի սրին զոհ գնայ, քան թէ քիւրդ բէկը իմ աղջիկը յափշտակէ, և ըստ պատւիրին հակառակ գնալով, պատւիրեցի աղջիկներին պատրաստել խալիչան:

— Լաւ, եթէ ես ըստ յանցանքը ներեմ, ըստ աղջիկներին մեծը՝ վէզիրբիս, միջակը նէզիրբիս և փոքրը՝ ինձ կնութեան կըտան, ասաց թագաւորը:

Խօսակիցը չհաւատարով իր ականջներին, որ այդպիսի խօսքեր թագաւորի բերանից է լսում, կիսազարմացական և կիսահարցական նայածքով սպասողական դիրք էր բռնել:

— Այ մարդ, խօսիր, է, ինչ ես պէլացել. կըտանս ըստ աղջիկներին մեծը՝ վէզիրբիս, միջակը՝ նէզիրբիս և փոքրը՝ ինձ կնութեան, կրկնեց թագաւորը իր հարցը:

— Տէր իմ, փոխանակ ծաղրելու, պատժեր ինձ, ինչպէս կամենաս:

— 2է, հաւատան ինձ, որ անկեղծ սրտից եմ բըդլսում այս խօսքերը և ի՛նչան դրա, տուր ինձ ձեռք. ասաց թագաւորը և սեղմեց իր երկու ափի մէջ խօսակցի աջ ձեռը, որ բարեկամութեան նշան է համարուում:

— Ան, խօսք ապրիս ես, կըտանս:

— Տէր իմ, ըստ կամքն է:

— 2է, ըստ կամքն է:

— 2է, ըստ կամքն էլ պիտի լինի:

Երբ քո ցանկութիւնն է, ես ինչ կարող եմ, որ կամք չըտամ:

— Ուրեմն համաձայն ես:

— Այո, կիսաձայն պատասխանեց թագաւորի աները:

Բ.



Թ որ շարունակ ամբողջ քաղաքը հրավառութեան մէջ է: Եօթը կարգ դասով շարունակ ամբողջ մարդու ականջները տոժում են: — Հարսանիքն է թագաւորի, վէզիրբի և նէզիրբի: Ամեն մարդ ուրախ է, ամեն ոք քէֆ է անում: Խնջոյքը հասարակաց է. ամենքն էլ մասնակցում են ուրախութեան:

Հարսանիքը վերջացաւ: Սահոււմ են ամիսները միմեանց յետեից, սակայն ոչ վէզիրբի կինն է իր խոստումը կատարել՝ խոստացեալ խալիչան գործել, և ոչ նէզիրբի կինը — վրանը: Բայց որ աւուր բարձրանում է թագուհու գոգնոցը և թագաւորին ցանկալի ժամը մօտենում: Այդ նկատում են թագուհու մեծ քոյրերը, բայց նրանց համար այնքան տխրալի է այդ ժամը, որքան ուրախալի թագաւորի համար: Իրանք չկարողացան կատարել աւած խոստումները, ինչ կըլինի նրանց հալը, եթէ փոքր քրոջ ասածը կատարելի. այնուհետեւ ինչ ե-

ընտով նրանք ներկայանան թագաւորին: Նախանձը կրք-
 ծում էր նրանց սիրտը և օր ըստ օրէ լցնում, աւել-
 ցնում նրա խորշում իր թոյնը: Նրկու իշխանուհիները
 միանում են, խելք խելքի տալիս, և երկար ու բարակ
 մտածում, թէ ինչպէս աղատեն կասկածաւոր ապա-
 գայից: Նրանք կանչում են իրանց խորհրդի մի ջագու-
 քեաը (կախարդ) պառաւ, յայտնում նրան իրանց դարդը
 և դարմանի խորհուրդ հարցնում:

— Դուք բոլորովին անհոգ եղէք. դործը գլուխ բե-
 րելն իմ բանս է, միամտացնում է իշխանուհիներին
 պառաւը և չորչրուկ բուռնցքի մէջ սեղմում նրանց
 տւած ոսկիները, համոզւած լինելով, որ էլի մի բուռն
 ոսկի կըստանայ, եթէ գործը յաջող ելք ունենայ:

Այնուհետև ջագուքեաը սկսում է իր երթևեկու-
 թիւնը արքունիք: Սկզբում ծանօթանում է թագուհու
 ազախիներէ հետ: Իր քաղցրախօս լեզուով, ցոյց տւած
 բարի գէմբով, անշահասէր բնաւորութեամբ և խորին
 գիտութիւնով ամեն կերպ աշխատում է նրանց սիրտը
 դրաւել: Ի՞նչպիսի գարձալի առակներ, առածներ առես,
 որ չի պատմում նա աղախիներին: Յայտնում է նրանց
 բնութեան գաղտնիքները, խրատ է տալիս թէ ինչ վեր-
 քի ինչ ծաղիկ կարող է դեղ լինել, թէ ինչպէս պէտք
 է պաշտպանել շարերից և դեերից, ինչպէս պէտք է
 թախտամաններ պատրաստել, ուրիշի սէրը գրաւել և այլն
 և այլն, և եթէ այդ բոլորի փոխարէն առաջարկում է
 աղախիներէ կողմից մի քանի կոպէկ փող, նա հրա-
 ժարելով հրաժարւում է՝ ասելով որ ինքը հոգու խա-
 թեք է այդ բոլորը սովորեցնում, իր մայրական պարտ-
 քըն է համարում այդ փողի կարօտութիւն չունի:

Չուտով այս անշահասէր, բարի և գիտնական պա-

ռաւի համբաւը հասաւ թագուհուն:

Ինչո՞ւ չունենալ այդպիսի մի բարի, գիտնական
 խորհրդատու և չըվայելել նրա տւած մայրական խրատ-
 ները. ապա այն գարձալի առակներն ու առածները,
 որ պատմում է նա իր քաղցրախօս լեզուով—մտածում
 էր այսպէս մտադահաս թագուհին համբաւաւոր պա-
 ռաւի հետ տեսակցելուց յետոյ:

Մտածածը որոշւած էր: Այնուհետև ջագուքեաը
 պառաւի առաջ ամեն ժամանակ թագուհու պալատի
 դռները բաց էին: Նա էր թագուհու խորհրդատուն և
 խրատողը: Օր աւուր աւելանում էր թագուհու ունեցած
 հաւատը գէպի պառաւը, որն արդէն կիսով չափ հասած
 էր համարում իր նպատակին:

Մինչ այս, մինչ այն՝ թագուհու ծննդաբերութեան
 օրը մօտենում էր: Ո՞վ պիտի լինէր տատմայր, եթէ
 ոչ ջագուքեաը պառաւը. ո՞վ էր ցոյց տւել այնքան մայ-
 րական գութ և խնամք թագուհուն, եթէ ոչ նա. վեր-
 ջապէս ո՞ւմ էր այնքան հաւատ ընծայում թագուհին,
 եթէ ոչ այդ պառաւին: Ահա թէ ինչու իր ցաւն զգա-
 լուն պէս՝ թագուհին կանչեց պառաւին, հրամայեց բո-
 լոր աղախիներին դուրս գնալ և առանձին թողնել ի-
 րան պառաւի հետ: Պառաւն էլ այդ էր ուզում, իր
 նպատակի իրագործումն հէնց դրա մէջ տեսնում:

Թագաժառանգ մանկան լոյս աշխարհ դալուն պէս
 թագուհու սենեակը մի առանձին փայլ ստացաւ նրա
 ոսկեզանգուր մաղբրից: Նրա իրաքանչիւր մի աչքը մի
 մի ակն էր, իսկ գէմբը տասներկուգօրեայ լուսնի էր
 նմանում, և իրաւ որ կարող էր ասել. Արեւ, դու մի դուրս
 գալ, ես եմ դուրս գալու:

Մինչ թագուհին իր ցաւից ճնշւած՝ չէր իմանում,

Թէ ինչ է կատարում իր շուրջը, խորամանկ պառաւը փաթաթեց նորածին մանկանը շորերով, դրեց արկղի մէջ և յուսամուտից գցեց գետակը, որ հոսում էր պալատի տակից, ապա իր կապոցի միջից հանեց մի շան լակոտ, փաթաթեց թագաւորավայել շորերով և մանկան փոխարէն դրեց թագուհու մօտ:

Թագաւորը լսելով թագուհու որդի ծնելը, անգագար անց ու դարձ էր անում իր սենեակում և անհամբեր սպասում աւետարեքին. սակայն երկար սպասելուց յետոյ՝ համբերութիւնից դուրս գալով, կանչեց պառաւին և ասաց.

— Պառաւ, սպասելով աչքերս ջուր կտրեցին, ուր է քո աւետարեքը: ասա, ինչպէս եղաւ:

— Տէր իմ, ասելու բան չէ, ինչ ասեմ, պատասխանեց պառաւը:

— Ի՞նչ է եղել. չըլինի՞ թագուհուն բան է պատահել:

— Չէ, տէր իմ, թագուհին ողջ և առողջ, հանգիստ պառկած է անկողնում:

— Ապա ինչ, նորածին մանուկն է վնասել. ասա՛ շուտով, ինչ ես լսեցի:

— Ոչ, տէր իմ, և ոչ էլ նա:

— Ապա ինչ է պատահել, ասա:

— Լեզուս կտրկամում է, բերանս կապում, տէր իմ, ինչպէս ասեմ, խօսեց պառաւը թագաւորի ոտներն ընկնելով: մի ոտս գերեզմանի մէջ է՝ միւսը դուրսը. իննսուն տարին անց եմ կացրել՝ հարիւրին եմ գնում, բայց այսպիսի բան ոչ տեսել եմ և ոչ լսել: Չարմանքից մտաբերս գլխիս բիզբիզ են եղել: Չեմ կարող լեզուով պատմել, լեզուս պապանձում է. լաւ է, որ գաս և քո բարի աչքով տեսնես:

Բարկացած թագաւորն այլ ևս ոչինչ չըհարցրեց. քայլերն ուղղեց դէպի թագուհու սենեակը, բաց արաւ դուռը և ի՛նչ—թագուհին անզգայ վայր է ընկած անկողնում և մօտին թանկագին շորերի մէջ փաթաթած վնասում է մի շան լակոտ:

Ահա, տէր իմ, նորածին տղան, ասաց պառաւը, որ որսկան շան նման լեզուն դուրս գցած գնում էր թագաւորի յետևից և նրա ամեն մի շարժումը տեսնում:

Թագաւորը մատը կծեց: նրա բարկութեան չափ չըկար: Յուսախաբութիւնը այն աստիճան վատ ներգործեց վրան, որ ոչ մի խօսք չըկարողացաւ արտասանել, այլ միայն նշանացի արաւ պառաւին շտապով կորցնել շան լակոտը:

9.



որնեք թագաւորին բարկութեան մէջ և հետեանք նորածին մանկան վիճակին: Գետակն ընդունելով իր մէջ արկղը հանեց քաղաքից դուրս և խփելով այս ափին, այն ափին, քորելով ժայռերի կուրծքը, տարաւ, գցեց մի ջրաղացի առու: Այս ջրաղացում ապրում էր մի ծեր մարդ իր պառաւ կնոջ հետ: Նրանք ոչ մի որդի չունէին: Երբ արկղը կանաչների երեսից սահելով եկաւ հասաւ ջրաղացի խողովակին և արգելեց ջրի ներս թափելը, քարը կանգ առաւ. այդ նկատեց պառաւը և ասաց.

—Ա՛յ մարդ, մէկ տես էլի ինչո՞ւ քարը կանգնեց:

Մութն էր: Ծերունին ձեռնափայտը քոթքոթացնելով, ճուրուբայով հասաւ առւի գլուխը, դուրս հանեց ջրից և քաշկոտելով մի կերպ գցեց ջրագաց:

— Այ կնիկ, էս ծառի կոճղ է. լաւ վառելիք կըլինի. կացինը բեր՝ ճղճղեմ. էգուց գնենք արեկողը՝ չորանայ—պէտք կըգայ:

Հալեորն առաւ պառաւի ձեռից կացինը, տեղաւորեց արկղն ինչպէս հարկն է և երկու ձեռով վրայ բերեց կացինը մահաբեր հարեածը տալու. սակայն դողդոջուն ձեռները չըկարողացան ուղիղ նշան արած տեղը խփել և հարեածը բաժանեց արկղից նրա մի տաստակը՝ երեան բերելով չընաղ մանկան, որ հանգիստ և անվրդով պարկած էր մահաբեր տնակում: Նրա ոսկեգանգուր մազերը և լուսանման դէմքը մի դիւթական լուսով լուսաւորեցին ջրագացը: Պառաւը և ծերունին զարմանքից չէին իմանում ինչ անեն:

Նրանք մի առանձին երկիւղով և ակնածութեամբ մօտեցան մանկան, գրկեցին և համարելով աստուածային մի պարզ և իրանց ծերութիւնը միտթարելու, որդեգրեցին նրան՝ անւանելով Եաշի Փիղան*), իր վայելուչ կազմածք ունենալու պատճառով:

Անցաւ էլի մի տարի: Մօտենում է թագուհու երկրորդ ծննդաբերութիւնը: Քոյրերի սիրտը դարձեալ ճմլում է նախանձից: Ջադուքեար պառաւի գործն աջող է. աջից առնում է, ձախից առնում: Նա կասկած էլ չունի, որ այս անգամ ևս թագուհու տատմայրն ինքըն է: Արքայական գաղտնիքը միայն իրան է յայտնի, միթէ թագաւորը կըբարեհաճի ուրիշ տատմայր հրաւիրել կասկածելի ծննդականին:

*) Պայելադեղ

Հասաւ ժամանակը: Թագուհին երկունքով բռնեած է: Արքունիքը խորին լուսթեան մէջ է: Գասկածը, ընկճեած յոյսը և անհամբերութիւնը միացած տրորում, ճմլում են թագաւորի սիրտը: Նա էլ դադարում չունի. շարունակ սենեակի մէջ անց ու դարձ է անում և շուտ շուտ աչքերը սեւում դէպի դուռը:

Վերջապէս բացեց դուռը և գող կատաւի նման պառաւի կասկածոտ աչքերը թագաւորի աչքերին հանդիպեցան:

— Հը՛, ի՛նչպէս եղաւ, պառաւ:

— Թագաւորն ապրած կենայ, ինչպէս որ առաջին անգամն էր, այժմս էլ այնպէս:

Այդ բոպէին թագաւորի երեսին նայողը կըսարտափէր: Նրա երեսի գոյնը սևացել, ածուխի էր նմանում, ամբողջ կուրծքը արագ արագ բարձրանում, իջնում էր, իսկ ձեռները դողդողում: Չըհաւատալով լսածին, նա կամեցաւ աչքով տեսնել իրականութիւնը. դիմեց թագուհու սենեակը և ներս մտաւ: Պառաւի ասածը ճիշտ էր. թագաւորը բոլորովին նոյն դրութեան մէջ գտաւ թագուհուն, ինչ որ առաջին անգամը — դարձեալ անզգայ վայր ընկած թագուհին և մօտը վնկստող շան լակտը:

Թագաւորի բարկութեան չափ չըկար: Նա հրամայեց իսկոյն և եթ կօրցնել շան լակտը, իսկ այդ անզգամ կնոջը, որ համարձակութիւն էր ունեցել այդպէս չարաչար կերպով խաբելու իրան (թագաւորին), տունել եօթը ճանապարհների խառնարանում մի փոս փորել, մինչև ծծերը թաղել նրան այդ փոսում, օրական կէս դարի հաց և մի ամսն ջուր տալ, և մի պահապան կանգնեցնել մօտը, որ հսկէ ամեն մի անց ու դարձ

անողի այդ ճանապարհներով՝ արհամարական կնոջ երե-
սին թքելու և մի մի արհամարական քար գցելու, այն-
քան՝ մինչև որ ահագին բլուրներ գոյանան նրա շուրջը:

* * *

Բայց միթէ, իրաւ, թագուհուց ծնւածը շան լա-
կոտ էր: Ոչ. նա մի շքնադատես աղջիկ էր, որ իր գե-
ղեցկութեամբ գերազանցում էր հարադատ Եաշի-Ֆիդան
եղբօրը, և որ ենթարկւեցաւ նրա վիճակին—նոյնպիսի
արկղը, նոյն գետակը, նոյն գետակից անջատուող առուն
որ հիւր է տանում ջրադացւանին այդ շքնադ արարած-
ները, և նոյն ջրադացը:

Ահա ծերունի ջրադացւանը հանել է առւից եր-
կրորդ արկղը, դրել առաջին, այս ու այն կողմ գարձնում
և ասում պառաւին.

—Այ կնիկ, էս ծառի կոճղ չէ, շատ նման է Եաշի-
Ֆիդանին արկղին. մի ուրազ բեր, զգուշութեամբ ճըղ-
ճղեմ այս, տեսնեմ թնչ բան է:

Պառաւը տւեց ուրազը մարդուն. սուր բերանն ու-
րագի զգուշութեամբ վրայ եկաւ արկղի մի տախտակին:
Մէկ, երկու, երեք՝ և ահա բաժանւեցաւ տախտակը ար-
կղից: Ո՛ր, աչք պէտք է, որ տեսնի, լիզու պէտք է, որ
պատմէ կղերութիւնը.—արկղում քրանաթոր պառկած է
մի հրեշտականման արարած. ոչ կե՛ր, ոչ խմէ՛, կանգ-
նիր, դրա երեսին մտիկ տուր և սքանչացիր: Թէ Եա-
շի-Ֆիդանի ժամանակ միայն փայլ առան ջրադացի պա-
տերը, այժմ ամբողջ ջրադացը վառվում էր շքնադ
մանկան լուսով. իսկ ջրադացքարը իր արագ-արագ պը-
տուտումով, թրբիկ ու շրբիկոցով ձայնակցում էր ջրի

գոշումի հետ և կարծես երգում ու շնորհաւորում լու-
սատու մանկան գալուստը: Հալւորն ու պառաւը չէին
կարողանում ուշքի գալ, թէ ինչ պատահեց իրանց հետ.
Նայում էին ոսկեզանգուր շքնադ մանկան վրայ և չէին
կշտանում նրա աննման դէմքը գիտելուց:

Երբ փոքր ինչ խելքի եկան, միասին ծունկ չորե-
ցին, արտաւաթոր աչքերն երկինք բարձրացրին և մի-
արեբան ասացին. «Փառք Քեզ, Տէր-Ստեղծող, որ ողոր-
մեցար մեզ և մեր ծերութեան հասակում ուղարկեցիր
այս աննման արարածները վերջին օրերս միխթարելու»:

Նրանք վեր առան հրաշալի աղջկանը, որգեպրեցին
իրանց և Նուռու-Գիւղալ*) անունը տւին:



ահում են ժամեր: Լնւնն ու մուլթը յաջորդելով
միմեանց կազմում են օրեր, կլորում տարին: Գլորում
են տարիներ փոփոխելով իրանց հետ մարդկային կեան-
քը: Եաշի-Ֆիդանը և Նուռու-Գիւղալը արդէն ոտն են
ելիլ: Նրանք առանց պատերը բռնելու կարողանում են
քայլել և առանց դժւարանալու չէմքից անցնել, դուրս
ու ներս անել: Զրադացի շքնադացքը տարածւում են
գեղածիժադ մարդագետիւններ, պարզաբւած հազար ու
մի տեսակ ծաղիկներով և կանաչներով: Այդ մարդագե-
տիւններում թռչկոտում են ծաղիկից ծաղիկ ջանասէր
մեղուները և խայտարդէա թիթեռնիկները: Նրանց հետ

*) Լուսագեղ

մասնակցում են իրանց խաղերով թիթեռնիկներից ոչ պակաս անհոգ Եաշի-Ֆիդանն ու Նուռու-Գիւզայը: Երանց մանկական թոթովանքի և արծաթահանջիւն ձայների հետ խառնուում է ուռենյիների վրայի ծտերի ծւլըցոցը. իսկ այդ բոլորի հետ ձայնակցում կարկաչուն առակը իր հեզիկ մըմնջով և երբեմն բարկացկոտ քչքչոցով: Մեղմաշունչ գեփիւռը սիրային ցոյցով շոյում, տարուբերում է աննման արարածների ոսկեգանգուր մազերը և ալիքանման խաղացնում ու ծածանում անուշահոտ ծաղիկները: Այդ բոլորը նկատում են բարի ծերունիները և անդադար փառք տալիս Արարչին, որ այդպիսի եղեմ է ստեղծել և նրա մէջ իր ասուածային պատկերի ներկայացուցիչներ դրել:

— Այ մարդ, ինչո՞ւ ենք պահել այն ոսկով լի քրտակը, — ասում է պառւար մարդուն, — և չենք կարել տալիս գեղեցիկ շորեր մեր հոգեզաւակներին:

— Ընծարիտ ես ասում, կնիկ, ինչո՞ւ է պէտք մեր դառն աշխատանքի պտուղը, եթէ չենք գործադրում այն մեր գառնուկների համար: Ես վաղը կըգնամ քաղաք և գեղեցիկ շորեր կըգնեմ ձագուկներին:

Երբ Եաշի-Ֆիդանը լսեց պապի (այսպէս էին անւանում քոյր և եղբայր ծերունուն) վճիռը, թոթովեց քաղցրախօս լեզուով.

— Պապի, ես էլ կըգամ քաղաք:

— Զէ, ձագուկս, դու փոքր ես՝ կըգադրես ճանապարհին:

— Զէ, չեմ դադրել. Նուռու-Գիւզայի հետ վազում, գնում ենք, տես, էն կանաչները մէջը. չեմ դադրում:

— Այդ կանանչները մօտ են. բայց քաղաքը հեռու է՝ կըգադրես:

— Զեմ դադրել. կըգամ, ասաց Եաշի-Ֆիդանն և լաց եղաւ:

— Ինչո՞ւ ես լացացնում տղային, ասաց պառւարը, տար հետդ՝ հազը քեզ էլ ընկեր է. ճանապարհին իրար հետ խօսելով կ'երթաք: Երբեմն ձեռը բռնած քայլելով կըտանես, երբեմն կըշալակես դադրած ժամանակը, այդպիսով կամաց-կամաց տեղ կըհասնէք:

— Գէ լաւ, տանեմ, — լինչ ասեմ, որ չի լսում:

Նկատեալ առաւօտը Եաշի-Ֆիդանը և ծերունին ճանապարհ ընկան գէպի քաղաք: Ամեն մի առարկայ, ամեն մի նոր բան հետաքրքրում և դարմանք էր պատճառում Եաշի-Ֆիդանին: Ընթացում և թէ քաղաքում նա անդադար հարցեր էր թափում պապի գլխին, որոնց կիսատ-պառատ պատասխանում էր ծերունին, կամ անուշադիր թողնելով հարցը իր ուղին շարունակում:

Երբ իրանց գնելիքը վերջացրին և դուրս եկան քաղաքից, մի շարք երիտասարդների հանդիպելին, որոնք նժոյգ ձիեր նստած ջեբէ էին խաղում:

— Պապի, էն վրայի նստողները մեզ պէս մարդիկ են, հապա էն տակի շորս ոտնանիներն լինչ են, հարցրաւ Եաշի-Ֆիդանը:

— Նրանք էլ ձիեր են, դաւակս, մարդիկ վրաները նստել, ջեբէ են խաղում:

— Ես էլ ձի կ'ուղեմ:

— Այ որդի, այդ ձիերը թանկ են. իսկ իմ մօտիս փողը սպառուել է. սրտեղից գնեմ քեզ համար ձի:

— Զէ, ինձ համար էլ ձի գնիր, ասաց Եաշի-Ֆիդանը և թաւալեց գետին: Նա լաց էր լինում և ոտները քացոտելով կըկնում՝ «ձի կ'ուղեմ»: Գլխարկը մի կողմ ընկնելով երևան էր հանել ոսկեգոյն մազերը և գեղե-

ցիկ ճակատը: Այդ նկատելով ձիաւորները, թողին իրանց խաղը և հաւաքեցան տղայի շուրջը:

— Այ ծերուկ, ինչո՞ւ ես լացացնում այդ չքնաղ մանկան, ասաց ձիաւորներից մէկը:

— Ի՞նչ անեմ, աղա ջան, գլխուդ մեռնեմ, ձեր ձիերի նման մի ձի է ուզում, իսկ ես փող չունեմ ձեռքս:

— Ահա իմ ձին քեզ ընծայ, աննման մանուկ, ասաց մի երիտասարդ թռչելով երկվարի վրայից և Եաշի-Ֆիզանին իր ձեռով ձիու վրայ նստեցրեց:

Եաշի-Ֆիզանը իր ցանկութիւնն կատարած տեսնելով՝ իսկոյն հաւաքեց ամենի ձիու սանձը և որպէս քաջավարժ հեծեալ՝ ուղղեց նրա գլուխը գէպ ջրաղաց: Ծերունին հազիւ կարողացաւ շնորհակալութիւն յայտնել վեհանձն երիտասարդին և հետեւել նրան:

Մի քիչ գնալուց յետոյ նրանց հանդիպեցին որսորդներ, որ որսկան շները յետևից գցած, նիզակներն ուսերին, գնում էին որսի:

— Պապի, էն առաջինները մարդիկ են, հապա էն յետեի փորձիկ-փորձիկ կենդանիներն ու ուսերի երկար ու բարակ բաներն ի՞նչ են, դարձեալ հարցրաւ Եաշի-Ֆիզանը:

— Յետևինները՝ որսկան շներ են, իսկ ուսերին դրածները՝ նիզակներ, մարդիկն էլ՝ որսորդ, գնում են իրանց համար որսի:

— Ես էլ որսկան շուն և նիզակ կ'ուզեմ:

— Այ որդի, բաւական է ինձ չարչարես, ասաց բարկացած ծերունին:

— Զէ, ինձ որսկան շուն, նիզակ է հարկաւոր, ասելով շրթաց գետին ձիու վրայից Եաշի-Ֆիզանը և սկսեց թափուտը ցելերի մէջ: Որսորդներն հաւաքե-

ցան նրա գլխին և սկսեցին յանդիմանել ծերունուն, որ թոյլ է տալիս այդպիսի մանկան լաց լինելու և ցելերի մէջ քաշկուռելու:

— Ի՞նչ անեմ, որ թոյլ չըտամ:

— Ի՞նչ է պահանջածը, հարցրեց որսորդներից մէկը:

— Զեր որսկան շների նման մի շուն և նիզակների նման մի նիզակ:

— Ահա իմ շունը և նիզակը քեզ նէք, ասաց մի որսորդ Եաշի-Ֆիզանին՝ տալով նրան իր նիզակը և շունը:

Իսկոյն վեր կացաւ Եաշի-Ֆիզանը նստեց իր ձին, նիզակը դրեց ուսին և շունը գցեց յետևից ու առաջացաւ գէպի ջրաղաց:

— Տեսա՞ր, այ մարդ, Եաշի-Ֆիզանիս հետք քաղաք չէիր ասնում, որքան օգուտ բերեց, ասաց պառաւը ծերունուն, հետաքրքրութեամբ եղելով ինը լսելուց յետոյ:

— Է՛, այնքան չարչարեց, որ մօրիցս ծծած կաթը քթիցս բերեց, պատասխան տաւ ծերունին արանջալով:

Սրանից յետոյ Եաշի-Ֆիզանը ամեն օր նիզակը ձեռին, շունը յետևից գցած՝ ամնում էր ձին արածացնելու և երեկոյեան վերադառնում ջրաղաց: Մի առանձին սովորութիւն էր արել ձին՝ ամեն անգամ ջրաղացին մօտենալիս խրխնջալ: Նրա ձայնի վրայ իսկոյն գուրս էր թռչում ջրաղացից Նուու-Գիւզալը ձեռները ծափահարելով և շուրջ, երբայր՝ ասելով՝ նա վազում, փաթաթում էր եղբօր վզովը, ձեռքից առնում ձիու սանձը և ինքը քարշում ձին ախոռը՝ կերակրում:

Մի անգամ ծերունին պատուիրեց Եաշի-Ֆիզանին ասելով. «Եաշի-Ֆիզան ջան, ձին սր կողմն արածացնե-

լու տանում ես՝ տար, բայց մեր այս առւի ընթացքին հակառակ շատ վերև մի գնար. այնտեղ գտնուում է թագաւորի մարգագեախնը, ուր ոչ ոքի թոյլ չի տրուում մուտք գործել»:

— 2է, պապի, չեմ գնալ հեռու, մօտ անդերը կ'արածացնեմ ձիս, պատասխանեց Եաշի-Փիզանը, բայց հետեւալ օրը չըկարողացաւ իր հետաքրքրութիւնը զսպելու շարունակ մտածում էր—ինչպիսի տեղ է, որ ոչ ոքի թոյլ չեն տալիս ներս մտնելու և ինչո՞ւ համար:

Հակառակ իր խոստման՝ նստաւ ձին և առւի օփերով գնաց՝ ուղիղ թագաւորի մարգագեախնի մէջ տեղը ձին օրգեց. ինքն էլ վերարկուն քաշեց գլխին, հանգիստ պարկեցաւ անուշահոտ ծաղիկներէ մէջ: Այդ բոպէին թագաւորը պալատի պատշգամբում նստած՝ հեռադիտակով նայում էր քաղաքի շրջակայքը. յանկարծ հեռադիտակն ուղղեց դէպ իր մարգագեախնը ու կանգ առաւ. կանչեց վէզիրին և ասաց. «Յձը իր պորտով, թռչունն իր թևով չի համարձակուում իմ մարգագեախում մուտք գործել, ինչպէս է համարձակել մի մարդ մտնել այնտեղ և իր շնով ու ձիով տրօրել ծաղիկները: Այս բոպէիս ուղարկիւր տասն քաջեր՝ նրան սպանելու»:

Վէզիրն շտապեց թագաւորի պատէրը կատարելու: Տասն զինւած մարդիկ իրար հետ վիճելով արագութեամբ մօտենում էին Եաշի-Փիզանին: Մէկն ասում էր.—ինչ լաւ ձի է, ես ձին կըվերցնեմ, միւսը թէ՛ — ես շունը կըվերցնեմ, երրորդը թէ՛ — ես նիղակը:

*Այսքանի ընկերները ինքնուրուի կ'այս
գործը հարգուայ շատ լավ պիտի պահէ
Ս. Կորովիկով շատ լավ թիշի*



ունն արդէն իմաց էր տւել Եաշի-Փիզանին թշնամիների գալուտար: Նրանց խօսակցութիւնը լսելուն պէս, իսկոյն վեր կացաւ նա, թռաւ ձիու վրայ, և նիղակը ձեռին գիմեց դէպի թշնամիները, որոնք նրան ոչնչի տեղ գնելով՝ ամեն մէկը իրան հասանելիք բաժնի վրայ էր միայն մտածում: Սակայն Եաշի-Փիզանը մի ակնթարթում նրանց չվիթեցրեց և իր նիղակի սուր ծայրով միմեանց ետեկց գլորեց գետին: Իննին սպանելուց յետոյ, տասներորդի լեզուն ու շրթունքները կտրեց ու ազատ թողեց՝ թագաւորին լուր տանելու համար, իսկ ինքը հանգիստ և անվրդով ձին նստած վերադարձաւ ջրաղաց:

Հետեւալ առաւօտն նոյնպէս եկաւ և նոյն տեղը օրդեց ձին: Բարկացած թագաւորը հրաման առաւ վէզիրին. «Այսօր կ'ուղարկես յիսուն քաջ ձիաւորներ, նրան ողջ բռնել կըտաս և կըբերես ինձ մօտ: Երէկ ինչպիսի թուլամորթ մարդիկ էիր ուղարկել, որ չըկարողացան մի մարդու հետ կռւել. ինչպէս կարող է մի մարդը տասը մարդու յաղթել և սպանել»:

Ոտից մինչև գլուխ զինւած յիսուն ձիաւորներ մօտենում էին Եաշի-Փիզանին. մի բոպէ ևս, և նա շրջապատւած կըտեսնէր իրան թշնամիներով, սակայն ամենեկն չըչփութեց՝ իսկոյն թռաւ ձիու քամակը, ասպանդակեց դէպի թշնամիները և նրանց աջ կողմից սկսելով՝ դէմն եկածը բանջարի նման թափեց գետին մինչև

ձախ կողմի վերջին մարդուն հասնելը. նրա էլ լեզուն ու շրթունքները կարեց և աղատ թողեց որպէս լրատար, իսկ ինքը ձեռն ականջին դրած երգելով վերագարձաւ ջրաղաց:

Երբորդ օրը՝ սովորական ժամին ման էր դալիս մարգագետնում Եաշի-Ֆիդանը, իսկ ձին շրվիշտի պանակով արածում էր խոտերը:

— Անպատճառ այդ մարդուն ողջ ողջ բռնած այսօր ինձ մօտ կըրերես, եթէ ոչ՝ վաղը դու կըրարձրանաս կախողան նրա փոխարէն, ասաց զայրացած թագաւորը վէզիբին:

— Թագաւորն ապրած կենայ, ինչպէս երևում է, մենք գօտով չենք կարող յաղթել այդ մարդուն թէկուզ ամբողջ վնդեր հանենք նրա գէմ, սակայն եթէ թոյլ կըտաս, ես ուրիշ կերպ կարող եմ բռնել նրան:

Արա՛, ինչպէս կամենում ես՝ միայն թէ կենդանի բռնելի, պատասխանեց թագաւորը:

Հնարագէտ վէզիբը իսկոյն կազմեց մի ծաղրածու խումբ, որ բազկացած էր տեսակ-տեսակ պարողներէց և նւագածուններէց: Այդ խումբը սկսեց ածելով, երգելով ու պարելով մօտենալ Եաշի-Ֆիդանին, որն իր կեանքում այդպիսի բան չըտեսած՝ ապշած մնացել էր և կարմանքով դիտում էր՝ մերթ պար եկող արջին, մերթ կապիկին, մերթ զանազան տեսակ ածելու գործիքներին, որ իրանց խառնիճազանձ և ճիւղալային ձայներով իսլացնում էին նրա ականջը:

Խումբն այնքան շարունակեց իր պաշտօնը՝ մինչև որ բոլորովին մօտեցաւ Եաշի-Ֆիդանին, շրջապատեց և առանց ընդդիմադրութեան բռնեց նրան:

Թագաւորի կատաղի զայրոյթը փոխւեցաւ ներքին

չփոթութեան և յուզմունքի, երբ իր առաջ կանգնած տեսաւ ձեռ ու սոր շղթայած Եաշի Ֆիդանին: Նրա սիրտը սկսեց թռթռալ, ձեռները դողողալ և մի ինչ որ ներքին յուզմունք խառնել արիւնը իրան անհասկանալի պատճառով. սակայն մի կերպ կարողացաւ զսպել իր ներքին այլալուծիւնը և սառնութեամբ հարցրեց.

— Այ տղայ, դու ինչպէս ես համարձակում իմ մարգագետինը տրորել և ուղարկածս մարդկանց սպանել:

— Տէր իմ, ձիուս համար հարկաւոր էր արածացնելու տեղ, իսկ զրան յարմար էր քո մարգագետինը. այդ պատճառով բերում էի ձիս արտօձացնելու, բայց տեսնում էի, որ քո մարդիկը շար գիտաւորութեամբ գալիս էին ինձ վնասելու, ուստի նախ քան նրանք ինձ վնասելը, ես էի նրանց վնասում:

Այս համարձակ խօսքերը լսելով, թագաւորը՝ զարմացած մտիկ էր տալիս Եաշի-Ֆիդանին:

— Դու սով ես:

Մի ջրաղաց պանի որդի:

Նա գլուխը տարուբերելով մտածում էր. ջր-ղ-աց-պ-ան-ի-որ-դ-ի:

— Բանդեցէք զրա շղթաները. վերջ ի վերջոյ հրամայեց ոստիկաններին: Այ տղայ, եթէ քո յանցանքներեմ, շուտ շուտ կըզան ինձ այցելութեան: Թող քո ձին արածի որտեղ ուզում ես՝ միայն դու այցելիլ ինձ:

Ինչո՛ւ չէ, թագաւորն ապրած կենայ՝ կըզամ, պատասխանեց Եաշի-Ֆիդանը:

Այնուհետև Եաշի-Ֆիդանը սկսեց իր այցելութիւնները թագաւորին: Այս նկատեցին տարաբախտ թագուհու քայրերը և հասկացան բանի էութիւնը, թէ՛ ա-

րեր որտեղ է թաք կացել և ինչ վտանգ է սպառնում իրանց, ուստի շուտով կանչեցին շարժական և գործի եղելութիւնը պատմելուց յետոյ ասացին.

Ինչպէս սկսեցիր գործդ, որ թաղած մեռելդ այսպէս շուտ յարութիւն առաւ:

Դուք անհոգ եղէք, ես իմ գործի թերին կըլրացնեմ, պատասխանեց պառաւը: — Չուզեցի պալատում ձեռներս նրանց արիւնով թաթախել՝ ջրին յանձնեցի, բայց դէպքն այնպէս է բերել, որ ազատուի եմ: Հէնց վաղը ես նրա (Եաշի-Ֆիդանի) հետքն այնպէս կորցնեմ, որ ինքը ստատանան էլ չ'իմանայ, թէ ինչ եղաւ:

Հետեւեալ առաւօտեան շարժական պառաւը ձեռին մի գաւազան քոթքոթացնելով՝ դիմեց ջրաղաց: Այդ միջոցին Նուռու-Գիւզալը առւի ափին նստած՝ մի փունջ ծաղիկ թափում էր ջրի հոսանքին հակառակ և ձեռները դէմ արած սպասում մինչև փնջի վերադառնալը՝ բռնում, ապա նորից թափում և հետն էլ երգում էր.

Ջան, ջան, Եաշի-Ֆիդան ջան,
Անուշ եղբայր ջան,
Հոգուս հատոր ջան,
Ջանս քեզ դուրբան:
Եաշի-Ֆիդանս կըգայ,
Վարդ, մանուշակ կըբերէ,
Պապս ալիւր կ'աղայ,
Մամս բաղարջ կըթխէ:
Ջան, ջան, Եաշի-Ֆիդան ջան,
Անուշ եղբայր ջան,
Հոգուս հատոր ջան,
Ջանս քեզ դուրբան:

Այդ բոպէին վրայ հասաւ անգութ պառաւը և դոյզ ձեռներով բամբեց հրեշտականման էակի զլխին:

— Ի՛նչ, ես ինչ արի քեզ, պառաւ, յետ նայելով բացականչեց Նուռու-Գիւզալը և մարգարտանման արցունքները ցոլացրեց աչքերում:

— Նուռու-Գիւզալ ջան, աղջիկս, ես ատելուս համար խօ չըլափեցի քեզ, սիրելուս համար էր, — իր խորշումս դէմքին կեղծ արտայայտութիւն տալով շողոքորթեց պառաւը:

— Ինչպէս թէ սիրելուս:

— Այ ինչպէս. դու չես հասկանում, որ արդէն հասակդ առել ես. քեզ ինչ կըլայելէ սրանից յետոյ անգործ մնալ՝ դատարկ ժամեր անցկացնել և միայն ծագողները ու ջրերը հետ խաղալ: Քո ընկեր աղջիկներն արդէն ամեն բան սովորել են՝ կարել, ձեւել, գործել, իսկ դու ոչինչ չըգիտես: Վաղը, միւս օրը քեզ հարս կըտանեն և իւրաքանչիւր մի ժամում ոչինչ չըգիտենալուդ համար՝ երեսիդ թուք ու մուր կըթափեն:

— Է՛, այսօր Եաշի-Ֆիդանս կըգայ, կ'առեմ, որ վաղն երթայ քաղաք՝ կտոր, թել ու ասեղ բերէ, կարեմ՝ կարեմ՝ սովորեմ:

— Օ՛, այդ չ'եղաւ. էլ նո՞ր պիտի դու կար ու ձեւանել սովորես. վարպետ չ'ունես, որ քեզ խրատ տայ, մանաւանդ որ հասակդ մեծացել է, մատներդ կոշտացել՝ այլ ես չես կարող դու կար ու ձեւ սովորել:

— Ապա ինչպէս պէտք է անել:

— Ինչպէս, միայն մի միջոց կայ, այն եղաւ՝ եղաւ, չ'եղաւ՝ այլ ես անհնար է քեզ կար ու ձեւ սովորեցնել:

— Ո՞րն է այդ միջոցը:

— Այն, որ Զնաշխարհիկ կայ. նա ունի քեզ, որը

հիթէ ձեռ բերէք, նա ինքը քո առաջին գրեած՝ իրան-
իրան կը գործէ և դու առանց դժարանալու, հանգիստ
կերպով կը սովորես և աշխարհիս ամենագլխաւոր կար
ու ձև անողը կը լինես:

— Է, ինչ կայ որ, Եաշի-Ֆիղանիս կ'ասեմ, որ է
գուց երթայ այդ ~~է-բ-յ-ը~~ բերէ:

— Օ՛, այդքան էլ հեշտ չէ նրա բերելը. մանաւանդ
որ Եաշի-Ֆիղանն իսկոյն յանձն չի առնիլ նրա հտեից
գնալ:

— Հապա ինչպէս անել:

— Այ, բեզ խրատ տամ թէ ինչպէս անել. բայց
խրատներս պէտք է ճշտութեամբ կատարես, ~~կիթ ոչ՝~~
կըզրկես ~~է-բ-յ-ը~~: Երեկոյեան Եաշի-Ֆիղանի գալու ժա-
մանակ կերթաս ջրաղաց՝ տխուր տրտում կընտես և
բայրովին դուրս չես գալ նրա առաջ:

Երբ Եաշի-Ֆիղանը ներս կըմտնի և կըհարցնէ քո
տխրութեան պատճառը, սկզբում պատասխան չես տալ
և գէմբդ թթւեցրած շուռ կըգաս նրանից. նա կըհե-
տեի իմանալ թէ ինչու ես տխուր. բայց դու միայն
այսքանը կ'ասես՝ թո՛ղ, ո՛չ ինձ պէս քոյրը լինի և ոչ
քեզ պէս եղբայրը: Յետոյ կըպատմես, որ դու հասակդ
առել ես, վաղը միւս օրը հարս կ'երթաս, բայց ոչինչ
չըզիտես, անտաշ մեծացել ես և սրանից յետոյ ոչինչ
սովորել էլ չես կարող, հիթէ Չնաշխարհիկի ~~է-բ-յ-ը~~ շը
բերի: Մինչև որ Եաշի-Ֆիղանը քո արևովդ չ'երգւի
թէ անպատճառ կըբերեմ ~~է-բ-յ-ը~~, ուրախ գէմբ ցոյց
չըտաս:

Պառաւը Նուռու-Գիւղալի անմեզ սիրաւը և պարզ
հոգին պղտորելուց ու ի՛ր շար դիտաւորութիւններին
յագուրդ տալուց յետոյ, անհետացաւ:

Իրիկնապահ է: Արեգակը թեք քցել է իր ճառա-
գայթնիքը ջրաղացին և նրա շուրջը տարածւող գեղեց-
կատեսիլ հովիտներին: Վճիտ առուն դուրս գալով ջրա-
ղացից՝ ուր-մուր օձապտոյտ ձեւերով անցնում է այդ
հովիտների միջով և արեգակի ճառագայթները բեկրե-
կելով իր մէջ՝ ցոլանում զանազան կողմեր: Ամբողջ տա-
րածութիւնը լցւել է անուշահոտ բուրմունքով: Ուրախ
և զւարթ գէմբով վերադառնում է Եաշի-Ֆիղանը թա-
գաւորի մօտից: Նա աչքերը ուղղել է գէպ ջրաղացի
դուռը և սպասում է, թէ անա իր ձիու սովորական
խրխինջին դուրս կըթռչի ջրաղացից Նուռու-Գիւղալը
ձեռները ծափահարելով և ~~ը-ն-է-բ-յ-ը~~ ասելով. սա-
կայն ձիու առաջին խրխինջը մնում է անհետևանք.
կըկնում է երկրորդ և երրորդ անգամ կոշը, բայց Նու-
ռու-Գիւղալը չըկայ ու չըլայ: Մի մտայլ ամպ անցաւ
Եաշի-Ֆիղանի գլխի վրայից. չըլինի քոյրս հիւանդ է,
ասելով նա թաւ ձիու վրայից և շտապեց ներս:

Գլխիկոր՝ տխուր և տրտում նստած է Նուռու-Գիւ-
ղալը ջրաղացքարի մօտ՝ աչքերը մի կէտի սևեռած:
Նրա ոսկեգոյն մազերը քօղի նման սփռւել են երեսի
և ուսերի վրայ: Եաշի-Ֆիղանը անհանգիստ որտով մօ-
տեցաւ նրան և ասաց. «Ի՛նչու ես այդպէս տխուր, Նու-
ռու-Գիւղալ ջան»: Չայն-ձուկ չըկայ:

— Ի՛նչ է պատահել, սիրելի քոյրիկս, նրա գեղեցիկ
մազերը շոյելով հարցրեց Եաշի-Ֆիղանը:

— Թո՛ղ, ոչ ինձ պէս քոյրը լինի և ոչ քեզ պէս եղ-
բայրը, շուռ գալով քթի տակը պատասխանեց Նուռու-
Գիւղալը:

Ուրիշ անգամ լինէր՝ գուցէ այս խօսքերը հանարի
տեղ ընդունէր Եաշի-Ֆիղանը, բայց այս անգամ սուր

սլաքի նման ցցեցան նրա սրտում:

— Ախր ինչ է եղել, է, վիրաւորած կրկնեց նա իր հարցը:

— Դեռ էլ լինի. ահագին սև քարէցուն եմ դառել, մի ասեղ թեւել չըզիտեմ. բռի կերել եմ, բռի մեծացել. իմ ընկեր աղջիկներն արդէն ամեն ինչ սովորել են՝ կարել, ձևել, գործել, իսկ ես՝ ոչինչ:

— Այդ է քո դարդը. դրա համար ես տխրած, բացականչեց Եաշի-Ֆիդանը. — հէնց վաղը կըգնամ քաղաք՝ թեւ, ասեղ, կտոր կըբերեմ, որ ձևես, կարես՝ սովորես:

— Էլ նոր պիտի ես կար ու ձև անել սովորեմ. վաղ պետ չունեմ, հասակս արդէն մեծացել է:

— Վարպետ էլ կըհրաւիրենք:

— 2է, այդ էլ չի լինիլ, միայն մի միջոց կայ — եղաւ՝ եղաւ, չ'եղաւ, այլ ես ոչ մի հնար չի օգնիլ:

— Ի՞նչ է, ասա:

— Այն որ՝ Չնաշխարհիկ կայ, եթէ նրա *հարստ* բերիք, կըգնեմ առաջիս, նա ամեն ինչ կըգործէ իրան-իրան, ես էլ կըտեսնեմ՝ կըսովորեմ:

— Հէնց վաղը կըգնամ այն բերելու:

— Ա՛ա, կարծում ես՝ հեշտ է:

— Թէկուզ ծովի անդունդը լինի, կըհանեմ:

— Երգելիք, որ ճիշտ կըկատարես խոստումդ:

— Արեւ վկայ, որ կըբերեմ:

— 2է, քո արևով մի երգելիք, իմ արևով երգելիք, ես կըհաւատամ:

— Քո արեղ վկայ, որ կըբերեմ: Դէ մէկ դէմքիդ տխրութիւնը փարատի՛ր՝ ամեն օրւայ նման ձեռներդ ծափ գարկ և ծիծաղիլ:

Անմեղ աղանիխի նման Նուու-Գիւզալը ծափահա-

րեց և բարձր ծիծաղեց, ինքն էլ չըհասկանալով, թէ ինչ անդունդ բաց արաւ եղբոր առաջ:

Նոյն երեկոյեան Եաշի-Ֆիդանը պապին և տատին յայտնեց, որ ինքը առաւօտեան ճանապարհ պիտի ընկնի՝ Չնաշխարհիկի մօտից *հարստ* բերելու. Նուու-Գիւզալի համար, պատրաստութիւն տեսնեն՝ մի քանի բաղարջ թխեն: Ծերունին և պառաւը շատ լացին ու աղաչեցին, որ յետ կենայ այդ շար գիտաւորութիւնից՝ առարկելով թէ այնտեղ հազար գնացողի մէկը չի վերադարձել, սակայն ոչ մի կերպ չըկարողացան համոզել Եաշի-Ֆիդանին...

2.



ուսարացին Եաշի-Ֆիդանը ճանապարհ ընկաւ: Չատ գնաց թէ քիչ՝ Աստուած գիտէ. օրւայ մէկը մի քաղաքի դէմ առաւ: Քաղաքի դռանը նստած էր մի հսկայ պառաւ դե, որ ջրաղացքարն արել էր թեշկի գլուխ, մի կաղնու բուն՝ նրա պոչը, մօտ քառասուն լիտր արճիճ բցել էր բերանը և թարս ու շիտակ լըփ-լփացնելով ծամում էր ու սայլի պարանի հաստութեամբ թեւ մանում: Նրա զարհուրեցուցիչ դէմքը և անճոռնի կերպարանքը ոչ պակաս սարսափ ձգեցին Եաշի Ֆիդանի վրայ, սակայն վերջինս յետ չըքաշուեց, այլ առաջ գնաց և կանչեց. «Բարի իրիկուն բեղ, մայրիկ, ինձ հիւր չե՞ս ընդունիլ»:

Դեռ գլուխը բարձրացրեց և կատաղի աչքերը Եա-

չի-Ֆիդանի վրայ չուելով սասայ. «Մօրդ օրհնէքը գլուխդ էր, այ աղամ-որդի, թէ բարև չէիր տայ, ու ինձ մայրիկ անւանելով չէիր ցանկայ իմ մօտ հիւր լինել, քեզ քո ձիուդ հետ կըրքցէի բերանս՝ ծամոցիս հետ կըխառնէի՝ փափկացնելու համար, բայց որ ինձ բարև տալով ^{հարկէ} անւանեցիր և ուզում ես գիշերել մօտս, իջիր ձիուց՝ հիւրն Աստծունն է»:

Երեկոցեան Եաշի-Ֆիդանն սասայ դեին. «Մայրիկ, ըստի չես հարցնում ինձ թէ ո՞վ ես, ո՞րտեղից ես գալիս և ո՞ւր գնում:

— Մենք սովորութիւն չունենք հիւրին հարց ու փորձ անելու. եթէ դու ցանկանում ես քո մասին խօսել, խօսիր, կըլսեմ, պատասխանեց դեր:

— Մայրիկ, ես գնում եմ Չնաշխարհիկի մօտից նրա ^{հարկէ} բերելու:

— Է՛, որդի, իր անճոռնի գլուխը ամբամբացնելով սասայ դեր. — այդ միտքը քո մէջ անպատճառ չաբ մարդիկ ծագեցրած կըլինին: Լաւ է, որ այստեղից յետ դառնաս. ափսոսում եմ քեզ պէս պատանուն. հաղաբաւոր մարդիկ գնացել են այդ ճանապարհով, բայց ոչ որ չէ կարողացել վերադառնալ:

— Զէ, մայրիկ, ի դուր են այդ խօսքերը. եթէ համողած լինեմ, որ ես էլ այդ հաղաբաւորների թւում կօրչելու եմ, դարձեալ պիտի գնամ:

— Է, որդի, թէ որ այդպէս է, ես էլ իմ կողմից միջոցներ կըրամ քեզ, որ եթէ ճշտութեամբ կատարես՝ անշուշտ կըհասնես նպատակիդ. ճանապարհիդ առաջին անգամ քեզ կըպատահի մի աւուակ, որից անցնելու ես, բայց նախ քան անցնելդ՝ մի տուն երգ կասես, եթէ ոչ այդ փոքրիկ առուն վայրկենապէս ծով կդառնայ

և քեզ քո ձիուդ հետ կըկլանէ: Դրանից յետոյ կըրեսնես հեռւում մի բանի բաժան բաժան ծառեր, մի տուն երգ էլ այդտեղ կ'ասես. հակառակ դէպքում այդ ծառերն այնպէս կըբաղմանան և կըխառնան, որ բոլորովին կըփակեն ճանապարհդ: Ծառերից յետոյ աջ և ձախ կողմերդ կ'երևան մի մի բլուր, որոնց միջով անցնելու ես. անշուշտ մի տուն երգ էլ այդտեղ կ'ասես, որ նըրանց սիրտն էլ շահած լինես, որպէսզի անցնելուդ միջոցին ահագին լեռներ կաղմելով իրար չըզան և քեզ ձիուդ հետ իրանց մէջը ձմէնն ու տափակացնեն: Երբ արդէն բլուրներից էլ կ'անցնես՝ առաջիկ կըբացի մի ընդարձակ դաշտավայր՝ հարթ տարածութիւն, որտեղ իշխում է Չնաշխարհիկը. այդ դաշտավայրի մէջ է կառուցած նրա բուրգերով շրջապատած ապարանքը: Ապարանքին մօտենալուն պէս՝ ձիդ մի կողմ կըքաշես և ինքդ գտան մօտ գտնւած դանգակը ամուր խփելով ամենայն դգուշութեամբ կըթագնես սանդուղքների տակ: Չնաշխարհիկը դանգակի ձայնին դուրս կըզայտեսնելու, թէ ով էր իր գանգին դիպչողը: Դու ամեն կերպ պէտք է աշխատես նրա աչքին չ'երևալ, եթէ ոչ՝ բաւական է, որ միայն քո դէմքը տեսնի և իսկոյն՝ երգունգին նայելուն պէս՝ քար կըդառնաս. այդպէս հաղաբաւոր մարդիկ են քար դարձել նրանից, որոնց կըտեսնես դու նրա ապարանքի շուրջը: Երբ նա սանդուղքներից ցած կ'իջնի մէջքը քեզ արած, մի ակնթարթում կըթռչես նրա ուսերի վրայ, երկար մագերը թեղ կըփաթաթես և այնպէս հուժկու կերպով կըքաշես ու կըտանջես, մինչև որ երգի երկրի, երկնքի և նրանց Ստեղծողի անուհով, որ սչ մի վնաս քեզ չի հասցնիլ: Երբումն առնելուց յետ կ'արձակես և ապահով եղիր,

որ ոչ մի վնաս չի հասցնել քեզ:

Նա առաւօտեան շնորհակալութիւն յայտնելով պառաւ դէին՝ ճանապարհ ընկաւ: Հազիւ թէ գիշերավայրը անհետացել էր նրա աչքից, որ նկատեց դէի ասած առւակը.

«Մն պիտի ինձ խեղդէ, մտածում էր նա, որն եթէ մի ծարաւ մարդ լամէ՝ կըցամաքի», և սկսեց ձին ասպանդակել թռչելու առւից. սակայն ձին դեռ մի քայլ չէր պրել, որ առուն իր ակերից դուրս գալով, հեղհեղ սկսեց ծովանալ և Եաշի-Ֆիդանին մի անգամից կրանելու վտանգ սպառնալ: Նա քաշեց ձիու սանձը և իր անման ձայնով սկսեց երգել. իսկոյն հանդարտեց առուն, փոքրացաւ և իր նախկին քչքչոցով առաջ սահեց: Անցաւ Եաշի-Ֆիդանը և շարունակեց ճանապարհը. Ահա հեռուում երևում են մի քանի ծառեր՝ ջոկ ջոկ բուսած: «Է՛հ, ցնորք էր դէի ասածը՝ մինչ այդ ծառերը լսաւնան, ես ճանապարհս կըշեղեմ և հեռւից կ'անցնեմ», մտածեց նա, բայց դեռ տասը քայլ չէր անցել, որ ամբողջ տարածութեամբ ճանապարհը փակւած տեսաւ անանցանելի անտառով: Նա կանգ առաւ և երգեց. ծառերը աննշմարելի կերպով հեղհեղ չքացան և լայն ճանապարհ բաց արին նրա առաջ: Ծառերից անցնելուն պէս՝ իր աջ և ձախ կողմերում միմեանցից ահագին հեռաւորութեամբ նկատեց լերկու փոքրիկ բլուրներ: «Է՛հ, մինչ այդ բլրակների միմեանց գալը, ես նրանց միջից կ'անցնեմ ու կ'անցնեմ—ասելով՝ ասպանդակեց նա ձին. բայց հազիւ կարողացաւ շուրջը նայել, թէ ինչպէս այն փոքրիկ բլրակները ահագին լեռներ դարձած՝ կայծակի արագութեամբ սլանում են դէպի ինքը: Ջսպեց ձիու ընթացքը և սկսեց երգել: Լեռները յետ

յետ գնալով փոքրացան և իրանց տեղը կանգ առան:

Ահա վերջապէս Չնաշխարհիկի ապարանքը՝ շրջապատւած բարձր պարիսպներով և սրածայր բուրգերով: Նրա շուրջը լսառնիխուռն ընկած են բազմաթիւ քանդակներ, որ իրանց տեսքով մարդու մարմնի են նմանում: Եաշի-Ֆիդանը մտեցաւ ապարանքին, ձին մի անկիւնում կապեց և ինքը զանգահարելուց յետ, թաքնւեցաւ սանդուղքների տակ:

Մի ըուպէ չանցած՝ երևեցաւ Չնաշխարհիկը պատըզգամբում և իր շուրջը նայելով սկսեց ցած իջնել սանդուղքներից: Հազիւ էր ոտը վերջին աստիճանի վրայ դրել, որ Եաշի-Ֆիդանը սանդուղքների տակից բազէի նման թռաւ նրա ուսերի վրայ, փաթաթեց մազերը ձեռքին, ծունկ խոնարհեցրեց և դօրեղ բազկով սկսեց քարշել:

— Ո՛հ, հրեշ ես, մարդ թէ գազան, խնայիւր ինձ, ցաւից ճնշւած բացականչում էր Չնաշխարհիկը:

— Երգւի՛ր, որ ըո վնասը ինձ չի հասնիլ արձակելուց յետ:

— Ղկայ թո՛ղ լինի լուսաճաճանշ արեգակը, որ ինձ անից քեզ վնաս չի հասնիլ:

— Ոչ, երգւի՛ր երկրի, երկնքի և նրանց Ստեղծողի անունով:

— Երգւում եմ երկրի, երկնքի և նրանց Ստեղծողի անունով, որ ինձանից մի մաղաչափ վնաս չի հասնիլ քեզ:

Եաշի-Ֆիդանը բաց թողեց մազերը. Չնաշխարհիկը շուռ եկաւ դէպի նա, և երկուսն էլ ապշեցան տեղն ու տեղը: Երկու անմասն արարածներ կանգնած էին միմեանց հանդէպ: Նրանք մեծ զարմանքով երկար ժամա-

նակ դիտում էին իրար: Եաշի-Ֆիդանը նետահարի նման ինքն իրան մոռացել էր՝ տեսնելով իր առաջը կանգնած աշխարհի դիցուհուն: Նրանից ոչ սրակաս շփոթւած էր Չնաշխարհիկը. առաջին անգամն էր նա տեսնում այդպիսի մի բարձրահասակ և վայելչագեղ երիտասարդ:

— Այ աղայ, — ընդհատեց լուսթիւնը Չնաշխարհիկը՝ խլելով Եաշի-Ֆիդանի ձեռից նիզակը և իր ու նրա մէջ տեղը գետին դնելով, ևս Ստածուն ուխտ էի արել ամուսնանալ այն աղի հետ, ով ինձ կըյաղթէ: Մինչև այժմ հազարաւոր երիտասարդներ եկել են իմ ձեռս խնդրելու, բայց բոլորն էլ ինձանից յաղթելով քարացել են: Առաջինն իս դու՝ որ յաղթեցիր ինձ. եթէ կըցանկանաս ինձ հետ ամուսնանալ, յայտնիր կամրդ, իսկ եթէ ոչ՝ ահա նիզակը, քո ձեռով խրիբ կուրծքս, որ իմ ուխտը չըբանգւի և սուրբ ու անարատ մնայ, ասաց Չնաշխարհիկը նիզակն երկարացնելով Եաշի-Ֆիդանին: Սակայն շփոթւած Եաշի-Ֆիդանը չէր իմանում ինչ պատասխանէր: Նա նիզակը մի կողմը շպրտեց և միայն գլխով նշանացի արաւ հասկացնելով, թէ համաձայն եմ քո առաջարկին: Չնաշխարհիկը հասկացաւ նրա միտքը և թև թևի տւած բարձրացրեց նրան սանդուղքներից վեր:

Եաշի-Ֆիդանը բոլորովին մոռացաւ թէ ձին և թէ իր գալու նպատակը: Չին երկար ժամանակ սոված ու ծարաւ մնալուց յետոյ՝ քաշեց կտրեց կապը և ջրաղացի ճանապարհը բռնեց: Անցաւ մէկ, երկու, երեք... օր, և ահա նա ջրաղացի դռանը օտը գետին դոփելով՝ բարձր խրինջաց. իսկոյն սրտապատառ դուրս թռաւ ջրաղացից նուռու-Գիւղալը, կարծելով, թէ եղբայրն եկաւ,

բայց երբ տեսաւ միայն ձին, աչքերը մթնեցին, ծընկները ծալեցին և աղիողորմ հառաչեց. «Ո՛հ Աստուած իմ, ո՛ւր է եղբայրս»: յետոյ նա որդեկորոյս մօր նման փաթաթեց ձիու վզովը՝ դառնագին լաց եղաւ և տաք տաք համբոյրներ տւեց ասպանդակներին, ուր մտել էին Եաշի-Ֆիդանի ոտները: Ամբողջ գիշերը նա շարունակ հեկեկում էր և արտասուում առանց ձիու մօտից հեռանալու, որին կերակրում էր և խնամում, իսկ լուսադիմին փոխեց իր օրիորդական շորերը և ձեռն առաւ մի նիզակ ու հեծաւ ձին: Վշտալի ծերունին և պառաւը արտասւթոր աչքերով նրա ձեռ ու ոտն էին համբուրում, աղերսում ու պաղատում, որ իրանց ծերութեանը խնայէ՝ վերջին միտթարութիւնից չըզրկէ և չըթողնի նրանց ու գնայ, բայց կարծես նուռու-Գիւղալի ականջները խլացել էին, աչքերը մշուշով պատել և սիրտը քարացել, որ չէր դգում նրանց աղեկտուր օղբը և զիջանում խնդրերին:

է.



ըր տաք է և հանդարտ: Պայծառ արեգակը իր լուսաճաճանչ ճառագայթները սփռել է ամենայն կողմ: Վարդը և մանուշակը բաց են արել իրանց սիրուն թերթիկները և անուշահոտ բուրմունքով լցրել ամբողջ տարածութիւնը: Ուրախ և անհոգ թիթեռնիկները թռթռում են ծաղկից ծաղիկ, իսկ քաղցրաձայն թռչունները թնդեցնում օդը: Քայց այդ բոլորը չի լը-

սում նուու-Գիւղարը և չի զգում: Նրա համար սև ու մութն է օրը: Գլխի վերը արտուտիկն է իր անուշ դայլայիկը կարգում, իսկ ձիու առաջ եռանկիւնաձև միմեանց կտրելով արագաթռիչ ծիծեռնակները իրանց սուր սվավոցով կարծես ուզում են ասել նրան. «Մի գնար, տիրուհի. մի զրկիր մեզ քո իշխանութիւնից», բայց նա սառն է և անտարբեր. միայն երբեմն երբեմն լայն բարձրանում է կուրծքը և աղետար ճիւղ գուրս թռչում այնտեղից: Չըկայ նրա հոգու հատոր եղբայրը, նա պատրաստ է գետնի տակը մտնել, ծովի անդունդը իջնել, միայն թէ եղբորը գտնի. նա պատրաստ է երկաթէ տրեխներ հագնել, երկաթէ գաւազան ձեռն առնել և աշխարհի այս ծայրից մինչև միւս ծայրը ոտով անցնել՝ միայն թէ իր եղբոր տեղն իմանար: Բայց ոչ ոք չըկայ, որ նրան եղբոր տեղն ասէ, ոչ ոք չըկայ, որ նրան ճանապարհ ցոյց տայ: Մարգարտանման արցունքներն աւուակի պէս հոսում են աչքերից և վարդագոյն այտերի վրայից թափւելով ողողում նժոյգի բաշը: Ո՛ւր դիմէ, ո՞ր ճանապարհով գնայ, որ չըշեղւի նպատակից: Կամայ ակամայ սանձը գցում է ձիու գլխին, նրա կամքին թողնում ճանապարհի ընտրողութիւնը, իսկ ինքը միայն ասպանդակով խփում նրա կողքին, որ շտապէ առաջ: Կարծես թէ խելացի կենդանին հասկացաւ տիրուհու միտքը, տեղացող կարկտի նման սկսեց արագ արագ ձգել միմեանց ետևից ոտները և արիւն-քրտինք մտած շտապել առաջ:

Արեգակը իր վերջին ողջոյնն էր տալիս բարձրագագաթ լեռներին, անցնում երկրագնդի միւս երեսը, իր կիսաշղանը կատարում և ապա նորից ողջունում նոյն լեռներին, բայց նուու-Գիւղարի ոտները գուրս

չեն գալիս ասպանդակից և չեն դիպչում գետնին: Նա ոչ ցուրտ ու տաք է զգում, ոչ քաղց ու ծարաւ և ոչ յողնածուծիւն, միայն մտածում է՝ գնալ և գնալ:

Ահա վերջապէս քարայրը դեի, որ նստած չէմքի վրայ՝ իր պարանէ թեյն է մանում և քառասուն լիզը արճիճը բերանում լվմացնում:

— Բարև քեզ, մայրիկ, կանչեց նուու-Գիւղարը:

— Աստճու բարին, որդի, եկա՞ր. բերեցի՞ր *է-րի-յը:

— *է-րի-յը...

— Ինչո՞ւ չփոթւեցար, ապա չըկարողացա՞ր բերել *է-րի-յը Չնաշխարհիկի մօտից:

— Ո՛հ, մայրիկ, ես չեմ *է-րի-յը գնացողը՝ իմ եղբայրս էր, ասան, ասան, ի՞նչպէս տեսար եղբորս, և ո՞րպէս գընաց, — արտասախառն աչքերով ասաց նուու-Գիւղարը և զրկեց զարհուրելի դեի ոտները, որին եթէ մի ուրիշ անգամ տեսնէր՝ գուցէ սարսափահար փախչէր, ծակէ ծակ մտնէր:

— Դու չես, ի՞նչպէս, բոլորովին նոյն ձին, նոյն տղան, միայն դէմքդ մի քիչ փոխուած է և մի ինչ որ փայլ եմ նկատում աչքերումդ, երեւի այն էլ յաղթանակի նշանն է, որ տարել ես:

— Այ, հաւատան ինձ, մայրիկ, որ գնացողը իմ եղբայրս էր և ես յետևից եմ գնում:

— Ա՛հ, եթէ այդպէս է, քո եղբայրը յաղթելի է Չնաշխարհիկից: Դու մի գնար, որդի, անփորձ պատանիներ էք՝ չէք կարող ազատել Չնաշխարհիկի ճանկերից: Ափսոսում եմ ձեզ. թէև ձեզ պէս հազարուոր մարդկանց արիւն եմ խմել և նրանց մարմիններին իմ փորում տեղ տւել, սակայն իմ անգութ սիրտը չի կարող անզգայ մնալ տեսնելով ձեզ պէս պատանիների

կորուստը: Կրկնում եմ մի գնար:

— Ո՛հ, մայրիկ, մի տանջիր ինձ, ասաց Նուռու-
Գիւզալը աղեկտուր ձայնով, — ասան, որ ճանապարհով
գնաց իմ եղբայրը, և ես անշափ շնորհակալ կըլինիմ
քեզանից:

Պառաւ դեր տեսնելով, որ անկարելի է Նուռու
Գիւզալին յետ կացնել իր դիտաւորութիւնից, յայտնեց
նրան այն միջոցները, ինչ որ Եաշի-Ֆիդանին էր խրատ
ուել:

Դեկ ամեն մի խօսքը հալած իւրի տեղ ընդունեց
Նուռու-Գիւզալը: Նա ամեն մի բառի վրայ մտածում
էր և աշխատում՝ որքան կարելի է ճշտութեամբ կատա-
րել՝ վախենալով, որ ամենափոքր մի սխալը կարող է
իր սիրելի եղբոր տեսութիւնից զրկել: Առանց մի ըո-
պէ կորցնելու՝ նա հրաժեշտ տւեց դեկին և նրա ցոյց
տւած ճանապարհով ուղևորեցաւ:

Նուռու-Գիւզալից ոչ հեռու վազում է առուն և
իր քչքչոցով իմաց տալիս նրան մօտալուտ վտանգը:
Կանգնեց Նուռու-Գիւզալը և իր վշտախառն ձայնով
սկսեց երգել: Լռեց առուն. նա, կարծես մոռացաւ իր
մըմունջը վշտալի ելևէջների ազդեցութեան ներքոյ, և
լուռ ու մունջ սահեց առաջ իր գլուխը թաղցնելու կա-
նաչազարդ թփերի տակ: Անցաւ նրա վրայից Նուռու-
Գիւզալը և դիմեց դէպի ծառերը, որ իրանց գլուխները
ցցած սպասում էին իր ոտով եկող օրսին: Դեռ նրանց
մօտ չըհասած՝ սկսեց հնչեցնել իր քաղցրաձայն մեղե-
դին: Լռեց առիւծը մունչալուց, դադարեց վիշապը ֆըշ-
շալուց, հմայած ծառերը փոխարկւեցան վարդի թը-
փերի, բաց արին իրանց նորափթիթ գոկոնները և ա-
նուշ բուրմունքով լցրին աշխարհը: Հազար ու մի տեսակ

ծաղիկներ գոյնզգոյն խալիչաների նման սփռեցան Նու-
ռու-Գիւզալի ոտների տակ, որոնց կոխկռտելով անցաւ
նա և ուղևորեց դէպ բլուրները: Նրանք արդէն տատան-
ւում էին իրանց տեղնուտեղը և պատրաստում միմեանց
գալ՝ ճմլելու և տապակելու եկուորին, երբ օդը թնդաց
և ալիքանման տարածեց իր շուրջը վշտահար սրտի
սուրբ զգացմունքները: Կորան, անհետացան բլուրները
և նրանց տեղ երևան եկան կանաչազարդ մարգագետին-
ներ և հովիտներ: Դալարագեղ ցորենի, գարու և կը-
տահատի արտերի միջից ողջունեցին կենսաբեր հիւ-
րին՝ լորը իր պլպլտոցով, արտուտիկը իր դայլայլիկով և
ծիծեռնակը ավովոցով: Սակայն նրանց սիրալից ողջոյնը
չկարողացաւ մի ըոպէ կանգնեցնել Նուռու-Գիւզալին:
Երևում է 2ընաշխարհիկի ապարանքը: Վրէժխնդրու-
թեան կայծը բորբոքեցաւ Նուռու-Գիւզալի սրտում
և կատաղի արիւնը պատեց նրա աչքերը: Ո՛հ, երանի
թէ այս ըոպէին նա մի սրաթուիչ արծիւ դառնար, սը-
լանար կայծակի արագութեամբ այդ ապարանքը՝ նրա
տիրուհու մազերը մէկ մէկ գլխին փետտէք, և այն բնա-
կութիւնը, որ իր եղբոր կորստեան պատճառ է դառել,
քանդէր, կործանէր, քարը քարի վրայ չըթողնէր: Նա
ինքն էլ չէր գգում, թէ ինչպէս իր ոտները մեքենական
շարժումով բարձրանում են օդի մէջ և ասպանդակների
սուր կողմը ուժգին վրայ բերում ամհարի նժոյգի փորա-
տակին, որը փրփրադէզ քթածակերից մունչոցը երկինք
բարձրացրած՝ սլանում էր դէպի ապարանքը: Բայց շա-
փից դուրս արագ ընթացքը սպառեց երկվարի յոյժերը
և շնչասպառ թաւալեց գետին: Ցատկեց նրա վրայից
Նուռու-Գիւզալը և ոտով վագեց դէպի ապարանքը, ա-
մուր գանգահարեց երեք անգամ և սրտատրոփ թագ-

նւեցաւ սանդուղքների տակ:

Այդ ըրպէն Յաշի-Ֆիղանը և Չնաշխարհիկը գտնուում էին սիրոյ աշխարհում և վայելում նրա բարեխնորքը: Չանգակի ձայնը սթափեցրեց Չնաշխարհիկին, որ ոտի երնելով ասաց. «Այս ըրպէիս կըվերագառնամ, Յաշի-Ֆիղանս, տեսնեմ, ո՞վ էր իմ զանգակի թելերին դիպչողը» և դուրս գալով՝ սկսեց սանդուղքներից ցած իջնել, սակայն դեռ հազիւ էր կէս արել աստիճանները, եբք կատաղի վագրի նման թռաւ նրա ուսերին Նուռու-Գիւզալը, թևը փաթաթեց նրա 'երկար մազերով՝ չոքեցրեց իր ձախ ոտը գետին մխելով և աջ ծունկը նրա ուսերին սղմած՝ զոյգ ձեռներով սկսեց ձգել մազերը և գոչել. «Յղբայրս, եղբայրս քեզանից կըպահանջեմ»:

— Ո՛վ, ի սէր Աստուծոյ, ի սէր քո եղբոր, մի ըրպէ, վայրկեան հանգիստ, շունչս առնեմ, և քո եղբայրդ մօտիդ կանգնած կըտեսնես, կանչում էր Չնաշխարհիկը նւագած ձայնով:

Սակայն նրա թոյլ ձայնը չէր լսում Նուռու-Գիւզալը: Աչքերը արիւնը կոխած, ջղային ցնցումով՝ որքան որ ոյժը պատել կարող էր, ձգում էր նա անընդհատ Չնաշխարհիկի մազերը՝ կրկնելով. «Եղբայրս, եղբայրս քեզանից կըպահանջեմ»:

Այս աղմուկին դուրս եկաւ Յաշի-Ֆիղանը: Տեսնելով Չնաշխարհիկին չոքած, որ մարած աչքերն երկինք էր ուղղել, և նրա ուսերի վրայ Նուռու-Գիւզալին, որպէս մի արծիւ իր որսի վրայ իջած, նա այլայլեցաւ և կանչեց. «Նուռու-Գիւզալ, այդ ի՞նչ ես անում»...

Յաշի-Ֆիղանի ազատարար ձայնը հնչելուն պէս, Նուռու-Գիւզալն էլ չիմացաւ, թէ ինչպէս իր ձեռներէն քանդեց Չնաշխարհիկի հիւսերը և ինչպէս ինքը փա-

թաթեց եղբոր վրովը: Նա անշափ ուրախութիւնից իր արցունքներով թրջում էր եղբոր գեղեցիկ մազերը, ջերմաջերմ համբոյրներ դրօշմում նրա ճակատին և մըրմնջում. «Ոհ, եղբայր իմ, եղբայր իմ»:

— Գու ի՞նչպէս եկար այստեղ... հարցրեց շփոթւած Յաշի-Ֆիղանը:

— Քո ձիով, պատասխանեց Նուռու-Գիւզալը:

— Իմ ձիով... միթէ իմ ձին փախել է:

— Հասցն... չգիտեմ. ասա եօթն օր է, որ ես նրանով ճանապարհ եմ գալիս:

— Եօթն օր... զարմացած մտածում էր Յաշի-Ֆիղանը. միթէ մի ժամից աւելի է անցել այն ըրպէից, երբ նա թև թևի տւած Չնաշխարհիկի հետ բարձրացաւ սանդուղքներից վեր:

— Ո՛հ, եղբայր իմ, պէտք է շտապենք, եթէ չենք ուղում մեր ծերունի ծնողներին գերեզման իջեցնել, կամ աչքի լուսից զրկել, ասաց Նուռու-Գիւզալը:

Չնաշխարհիկը, որ մինչև այդ ըրպէն սաստիկ ցաւը մոռացած դիտում էր սըտածմլիկ տեսարանը և ինքն իրան զարմանում, մտածելով թէ՛ միթէ հոգեղէն արարածների մէջ էլ կարող են լինել այդպիսի վեհ և անարատ սիրող սրտեր, մօտեցաւ նրանց ասելով. «Իուք անհոգ եղէք. վաղը առաւօտեան մենք կըլինենք ձեր ծնողների մօտ». — ապա աջ թևը ձգած Յաշի-Ֆիղանի ուսը և ձախը Նուռու-Գիւզալի, բարձրացրեց նրանց սանդուղքներից վեր:

Երբ գիշերային ժամուն Նուռու-Գիւզալը իր անգին կորուստը գանելուց յետ՝ յոգնած ու դադրած աչքերը խփեց հանգիստ առնելու և նրա օրինակին հետեց Յաշի-Ֆիղանը, Չնաշխարհիկն եղունգին նայեց՝ և յան-

կարծակի նրա առաջ կանգնեցին եօթ ահուելի դեեր: Նրանք խորը գլուխ տւին Չնաշխարհիկին և ասացին միարեբան. «Ի՞նչ ես կամենում, տիրուհի, աշխարհը քանդել, թէ՛ շինել»:

— Ոչ քանդել և ոչ շինել, պատասխանեց Չնաշխարհիկը, — այս գիշեր ապարանքս ամբողջովին կը վերցնէք այնպէս, որ ոչ մի կոշտ հող չը պտկւի նրանից և կը տանէք այս ինչ ջրաղացի առաջին կը դնէք:

— Պատրաստ ենք, գլուխները խոնարհեցնելով միաբերան կանչեցին դեերը և անհետացան:

Աղամայ մութն է: Երկնքի անթիւ ու անհամար աստղերը այդ խորին մթութիւնը փարատելու համար իրանց վերջին ճիգն թափելուց յետոյ՝ հետզհետէ յետ են քաշուում և տեղի տալիս լուսապայծառ արեգակին, որ իր նշանը տւել է արդէն աղօթարանում: Կամայ ակամայ արևելքը շառագունում է: Դեռ թռչունները չեն դարթնել և չեն սկսել իրանց բարիլուսի նախերգանքը: Ջրաղացի դուռը ճռուալով բացւում է և պառաւ ջրաղացպանուհին ճուրղալով օտը փոխում է շէմքից դուրս. նրա աղօթքի սովորական ժամն է: Յանկարծ նա վախեցած յետ յետ գնալով վերև է նայում: Նորից ներս է մտնում ջրաղացը՝ կանչելով ծերին.

— Այ մարդ, դուրս արի տես՝ թէ ի՞նչ է մեր դուռը. սար է, թէ՛ ամպ է չոքել:

Տքտքալով հետևում է ծերը պառաւին, գլուխը դուրս հանում դռնից, մեծ դարմանքով դիտում շուրջը և իր դատողութիւնը տալիս.

— Այ կնիկ, էս տեսակ ամպ չի լինի... իմ աչքերս էլ խառնւել են այս երկօրը, լաւ չեմ կարողանում ջողել: Թող մէկ լոյսը բացւի, տեսնենք Ասուած ի՞նչ է

կամեցել:

Նրանք ներս են գնում և այնտեղ կատարում իրանց լուսածէգի աղօթքը:

Այդ միջոցին արթնացաւ Եաշի-Փիղանը, դուրս եկաւ պատշգամբ և տեսնելով իր առաջին իրանց ջրաղացը՝ սրտապատառ վազեց ներքև սանդուղքներից և ներս ընկաւ պապի ու տատի մօտ: Այստեղ արդէն մարդու լեզու չի պտտի, սը պատմէ, թէ ծերը և պառաւը ինչպիսի ցնծութեամբ ընդունեցին նրան և նրա ընկերակցուհիներին: Նրանք ուրախութիւնից թռչկոտում էին մանուկների նման և նստած տեղերը անհանդիստ շարժումներ անում:

Եաշի-Փիղանը էլի սկսեց իր այցելութիւնները թագաւորին:

Մի օր Չնաշխարհիկն ասաց նրան. «Եաշի-Փիղան, դու որ գնում ես թագաւորի մօտ, ճանապարհին ըեղ ոչինչ չի պատահում»:

— Հա, Չնաշխարհիկս, եօթը ճանապարհների միացման տեղը մի կին է թաղած մինչև ծծերը. ամեն անց ու դարձ անող մօտենում է նրան, երեսին թքում և մօտը մի քար ձգում, որից տհազին բլուր է գոյացել:

— Դու էլ այդպէս ես անում:

— Ի՞նչպէս չանեմ, թագաւորի պատէնն է, եթէ չը կատարեմ, այնտեղ կանգնեցրած պահապանը իսկոյն կը յայտնէ թագաւորին իմ անհնազանդութեան մասին:

— Վնաս չունի, թէ դրա մասին կը հարցորդէ պահապանը թագաւորին. այս անգամն որ կը գնաս, մի ծագկեայ փունջ շինիր, մօտեցիր այն կնոջը, երեք անգամ երկը պազիր նրան և քո ձեռքով կապած ծագկեայ փունջը նրա կրծքին դիր: Իսկ երբ հարցուվործ կանէ

քեզ թագաւորը այդ մասին, պատասխանիր. «ես չեմ կարող այդ դէմքի վրայ թքել, որ Աստուծոյ պատկեր է կրում»:

Եաշի-Ֆիդանը ճշտութեամբ կատարեց Չնաշխարհիկի առաջարկը: Երբ թագաւորը լսեց նրա արարմունքը, տխրութեամբ հարցրեց նրան. «Եաշի-Ֆիդան, ինչո՞ւ հակառակ գնացիր իմ պատէրին»:

— Տէր իմ, ես չեմ կարող թքել այն դէմքի վրայ, որ Աստուծոյ պատկեր է կրում, պատասխանեց Եաշի-Ֆիդանը:

— Լաւ, եթէ այդպէս է, ճանապարհդ փոխիր և ուրիշ ճանապարհով եկ:

Երկրորդ օրը Չնաշխարհիկն ասաց. «Եաշի-Ֆիդան, դու որ ամեն օր գնում ես թագաւորին այցելութեան և միշտ պատիւ ստանում նրանից, ապա հարկ չէ, որ մի օր էլ դու նրան հրաւիրես մեզ մօտ՝ հիւրասիրելու:

— Ուղիղ որ, Չնաշխարհիկս, ես էլ այդ էի ցանկանում. հէնց վաղը կառաջարկեմ նրան մեզ մօտ գալու: Հետեւեալ առաւօտը նախաճաշից յետոյ Եաշի-Ֆիդանըն ասաց թագաւորին. «Տէր արքայ, խնդրեմ այսօր ճաշին ձեր ամբողջ շքախմբով շնորհ բերէք իմ մօտ»:

— Չնորհակալ եմ, Եաշի-Ֆիդանս, ինքնաբաւական ժպիտն երեսին պատասխանեց թագաւորը մտածելով. — զարմանալի է, մի ջրաղացպանի որդի ուզում է ինձ հիւրասիրել: Սակայն չրկարողացաւ չըզիջանել Եաշի-Ֆիդանի թախանձանքներին և յսնձն առաւ ճաշին նրա մօտ գնալ իր բոլոր արքունականներով:

Թագաւորը չըջապատուած իր վէզեր նէզիրով և բազմաթիւ հեծելազօրով՝ դիմաւորեց դէպի ջրաղաց: Ես մտածում էք, թէ՞ անա կերեայ ցելսով ծեփրտած

ջրաղացը, որի մէջ ինքը չի կարող մտնել, այլ պէտք է նրա շուրջը տարածուող գեղածիծաղ մարգագետնում մի քէֆ սարքէ, ուրախութիւն անէ և այդպիսով Եաշի-Ֆիդանի սիրտը չըկոտրէ: Բայց անշափ զարմացաւ, երբ իր առաջ տեսաւ մի այնպիսի ապարանք, որի մօտ իր պալատը միայն խոհանոցի տեղ կարող էր ծառայել: Նրա զարմանքը կըկնապատկեցաւ, եռապատկեցաւ այն ժամանակ, երբ սկսեց մարմարեայ սանդուղքներից բարձրանալ ապարանքի վերին յարկը, երբ ճաշին բազմատեսակ կերակուրները բերեցին ոսկեայ ամսէներով. ոսկուց էին նոյնպէս բոլոր իրեղէնները՝ թէ մատուցարան և թէ դանակ, պատառաքաղ, դգալ: ձաշը վերջանալուն պէս՝ Չնաշխարհիկի պատերեւով Եաշի-Ֆիդանը առաջարկեց բոլոր հիւրերին՝ վերցնելու իւրաքանչիւրը որպէս ընծայ իր առաջն եկած բոլոր ոսկեայ ամանեղէնները: Թագաւորից սկսած բոլոր հիւրերը խկոյն հաւաքեցին իրանց առաջին թափուած՝ ամսէները, դանակը, պատառաքաղը և դգալը և սկսեցին պահպրել ծոցերում ու գրպաններում: Սրանից յետոյ Չընաշխարհիկը կանչեց Եաշի-Ֆիդանին բաց արեց իր գործարար սնդուկը, հանեց նրա միջից մի արծաթէ ամսէի մէջ վրած՝ ոսկուց շինած արաղաղ, որի առաջ թափուած էր ոսկեայ հատիկներ և ասաց. «Կրտանես այս արաղաղը, կըդնես թագաւորի առաջին և կասես. «ոսկի արաղաղ, ինչո՞ւ չես ուտում քո առաջին թափուած հատիկները». երբ թագաւորը կըհարցնէ քեզ, թէ ի՞նչպէս կարող է ոսկի արաղաղը ոսկեայ հատիկներ ուտել, դու պատասխանիր. եթէ ոսկի արաղաղը չի կարող ոսկեայ հատիկներ ուտել, հապա ի՞նչպէս կ'ինք կարող է շան լակոտ ծնել: Յետոյ կըյայտնես այն, ինչ

որ գիտես»: Չնաշխարհիկը արդէն մանրամասնօրէն պատմել էր Եաշի-Ֆիդանին և Նուու-Գիւզալին իրանց ով լինելը և ինչ բախտի բերմամբ ջրաղաց ընկնելը: Եաշի-Ֆիդանը վերցրեց ոսկի արքաղաղը, տարաւ դրեց թագաւորի առաջը և ասաց բոլոր հանդիսականների ներկայութեամբ. «Ոսկի արքաղաղ, ինչո՞ւ չես ուտում առաջիկ թափւած ոսկեայ հատիկները»: Թագաւորը ձայն չհանեց, այլ միայն դիտում էր հիացմամբ գեղեցիկ իրը: Եաշի-Ֆիդանը կրկնեց իր առաջարկը ոսկի արքաղաղին: Թագաւորը լուռ էր:

— Ոսկի արքաղաղ, ինչո՞ւ չես ուտում քո առաջին թափւած ոսկեայ հատիկները, մի՞թէ չես տեսնում, նորոգեց իր հարցը Եաշի-Ֆիդանը:

— Եաշի-Ֆիդանս, այդ ի՞նչ ես ասում, ի՞նչպէս կարող է ոսկուց շինած արքաղաղը ոսկի հատիկներ ուտել, խօսեց թագաւորը:

— Ի՞նչպէս. եթէ ոսկի արքաղաղը չի կարող ոսկէ հատիկներ ուտել, հապա ի՞նչպէս կինը կարող է շան լակոտ ծնել, պատասխանեց Եաշի-Ֆիդանը:

— Ի՞նչ են նշանակում այդ խօսքերը, սարսափած դոչեց թագաւորը:

— Այն, որ դու չարաշար խարած ես. — այն շան լակոտի, որին իսկական նորածին մանուկը կարծելով առաջին անգամ կորցնել տւիք, փոխարէնը ես եմ, իսկ երկրորդ անգամ այն շան լակոտը, որ կորցրիր և մօրս երկար ու ձիգ տարիների ընթացքում այնպէս անգթաբար պատժեցիր, փոխարէնն է այս գեղանի օրիորդի, ասաց Եաշի-Ֆիդանը Նուու-Գիւզալի ձեռնից բռնելով և առաջ քաշելով նրան թագաւորի մօտ, որ ինքն իր դուրսը կորցրած չէր կարողանում հասկանալ, թէ ար-

դեօք այդ բոլորը իրականութիւն է, թէ՛ երազի մէջն է տեսնում միայն:

Մինչ թագաւորը այդպէս շմած՝ չէր իմանում իր անելիքը և արքունականները շփոթւած՝ զարմանում էին թէ՛ արդեօք ինչ պատահեց թագաւորին, ինչո՞ւ այդպէս այլայլեց նա և ինչ էին նշանակում Եաշի-Ֆիդանի խօսքերը, Եաշի-Ֆիդանը պատմեց նրանց մի առ մի ջրաղացի պառաւի գործ դրած խարդախութիւնները՝ վէզիբի և նէզիբի կանանց զրդմամբ:

Իսկոյն հնչեցին ուրախութեան փողերը: Արքունական կառքերը շրջապատեցին արհամարած կնոջը. մի ըոպէում ամբողջ արհամարական քարէ բլուրը քանդակեց, անհետացաւ գետնի երեսից: Նիհարած ու մաշած թագուհուն նստեցրին ամենափառաւոր կառքում, տարան բաղանիք, մաքրեցին նրա վրայից երկար տարիների ընթացքում փոշուց գոյացած կեղտը և հագցրին իր նախկին շորերը:

Թագաւորը հրամայեց սկսել Եաշի-Ֆիդանի և Չնաշխարհիկի հարսանիքը, որն եօթն օր և եօթ գիշեր տևեց: Հարսանիքից յետոյ թագաւորը հրաժարեց գահից և իր տեղը Եաշի-Ֆիդանին բարձրացրեց: Իսկ պառաւ ջրաղացի ոտները կապել տևեց մի շորու պոչից, թագուհու մեծ քոյրերի՝ վէզիբի և նէզիբի կանանց ոտները մի մի ուղտի պոչից և գետնի երեսով քաշէքաշ քաղաքի շորս կողմը այնքան պտըտցնել տևեց, որ նրանց մարմնի վրայ սաղ կտորը՝ ականջը մնաց:



17
The first part of the book is devoted to a general
description of the country and its inhabitants.
The second part contains a list of the principal
towns and villages, with a description of each.
The third part is a list of the principal
rivers and streams, with a description of each.
The fourth part is a list of the principal
mountains and hills, with a description of each.
The fifth part is a list of the principal
lakes and ponds, with a description of each.
The sixth part is a list of the principal
forests and woods, with a description of each.
The seventh part is a list of the principal
mineral springs, with a description of each.
The eighth part is a list of the principal
mineral waters, with a description of each.
The ninth part is a list of the principal
mineral salts, with a description of each.
The tenth part is a list of the principal
mineral oils, with a description of each.



Վ Ա Ճ Ա Ռ Ի Ո Ւ Մ Ե Ն

1. ԴԻՕԳԻՆԷՄ (սակաւաթիւ) 25 կ.
2. ԵԱԶԻ-ՖԻԴԱՆ և ՆՈՒՌՈՒԻ ԳԻՒԶԱԼ. 10 կ.

Դիմել՝ Ալէքսանդրապոլ տպարան
պ. Գ. Սանոյեանցի

Գինն է 10 կ.